



UNIVERSITÄTS-
BIBLIOTHEK
PADERBORN

Fasti Mariani

Brunner, Andreas

Antverpiæ, M.D.C XXX III.

S. Ivstina V. Et M. 26. Septembris.

[urn:nbn:de:hbz:466:1-70962](https://nbn-resolving.org/urn:nbn:de:hbz:466:1-70962)

Sanctus Deus, Sanctus fortis, Sanctus immortalis miserere nobis, aitque veritum esse cæli consulto quidquam his addi. Simul legatione suâ perfunctus ad musicam suam moriens abit. Inter cetera Patriarcha voluit, ut voces auditas repereret terra, cantuque etiam ipsa cælo, quod provocaverat, responderet. Factum, & Trisagion cantatum terram firmavit trepidam; ut homines non jam certasse tantum Superis voce sed tunc superasse videantur. Ex Men.

S. IVSTINA V. ET M.

26. Septembris.

AN hodie suum parentes faciant, nescio, olim parentum officium liberi etiam fecerunt. Ita IVSTINA à teneris annis Christianas leges clam edocta, docere easdem parentes cepit. Et jam per matris ad pectus patris aditum sibi fecerat, cum hunc nutantem iam in partes Christianas visus per fontium ipse CHRISTVS impulit. Itaque brevi post mortuus pater vitam in acceptis filia tulit. Cæterum fuit e Parnasso nescio quis Aglaïdus, qui oblitus virgines esse, quas colebat, Musas, impuris amoribus extremum IVSTINAM deperibat. Sed Palladem scilicet castitatis Ægide contra omnes preces & minas armatam reperit. Itur ergo ad CYPRIANVM nobilem

tunc

tunc cum primis magum, & orco omnes amores contra IUSTINAM evocantur. Sed omnes faces incestæ, omnia tela unico crucis clypeo repelluntur, & totus Cupidinum exercitus ab unicâ fugatur Dianâ. Enimverò irasci hic arti suæ, sed multò magis artis magistro Cacodæmoni CYPRIANVS, & quia hic victum palàm se fatebatur, nuntium illi mittere, jamque libros & in libris Venerem Vulcano dare, ipse Christo & IUSTINÆ adhærere. Cum hâc in exilium, in carcerem, in equuleum, in bullientes à flammis sartagine, ad palum denique & secures ivit. Itaque quando hodie virgini IUSTINÆ, virum magum CYPRIANVM, hoc est oviculæ lupum junximus, an non aurea secula reduximus?
Ex Lipeloo.

S. NILVS ABBAS. 26. Septembris.

Optimè omnium post conjugis mortem viduam vitam NILVS egit, quando solus jam in locis solis egit, Sed quid dico solus, quando exempli socios complures, & Cryptæ Ferratæ Abbas imperium in Magnates & ad eò Imperatores & Pontifices habuit? Nam ut alios taceam, Eupraxium Imperatoriâ præfecturâ superbum morbo curavit, & inter monachos adscriptum morre paulò post felici beavit. Alios

Ll 3 viros